

Presiden Czech Mula Lawatan Ke Sarawak
Bernama
06 Julai, 2012

KUCHING, 6 Julai (Bernama) -- Presiden Republik Czech, Vaclav Klaus, tiba di sini pada Jumaat untuk memulakan lawatan tiga hari ke Sarawak.

Ketibaan Klaus dan isterinya Livia Klausova, di lapangan terbang di sini disambut oleh Ketua Menteri Sarawak Tan Sri Abdul Taib Mahmud dan isterinya Puan Sri Ragad Kurdi Taib.

Timbalan Ketua Menteri Tan Sri Alfred Jabu, Timbalan Speaker Dewan Rakyat Datuk Dr Wan Junaidi Tuanku Jaafar, Menteri Sumber Asli dan Alam Sekitar Datuk Seri Douglas Uggah, beberapa pegawai kanan kerajaan dan pemimpin masyarakat turut hadir untuk mengalu-alukan ketibaan Presiden Republik Czech dan rombongannya itu.

Klaus dijadual melakukan kunjungan hormat ke atas Yang Dipertua Negeri Sarawak Tun Abang Muhammad Salahuddin Barieng dan isterinya Toh Puan Hajah Norkiah di Bangunan Dewan Undangan Negeri sebelum menghadiri jamuan negeri di premis yang sama.

Sabtu, beliau akan melawat rumah panjang Bidayuh di Jalan Puncak Borneo dan Pusat Hidupan Liar Semenggoh dekat sini.

-- BERNAMA

Hak Cipta Terpelihara © 2012 BERNAMA

Source: <http://www.bernama.com/bernama/v6/bm/newsindex.php?id=678626>